



Inatsisartuni ilaasortaq Kristian Jeremiassen, Siumut

## **Umiatsiani isumannaallisaanermut atortut pillugit § 37 naapertorlugu apeqqummut akissut**

17. jan 2011  
Sagsnr. 2011-044047  
Dok. Nr. 544123

Aallarniutigalugu Inatsisartunut ilaasortap apeqquteqarneranut qujarusuppunga, angallatini Kalaallit Nunaata imartaani imaatigut angalasuni tamani pinngitsoorani isumannaallisaanermut atortunik peqarnissamut maleruagassanik atuutsitsilerniarluni suliaqarneq pillugu oqaluttuarnissamut periarfissimmannga.

Postboks 909  
3900 Nuuk  
Tlf. (+299) 34 50 00  
Fax (+299) 34 54 10  
E-mail: iaan@nanoq.gl  
www.nanoq.gl

Imarsiornerup isumannaatsuunissaa matumani kinguliani atsiortup Naalakkersuisullu tamarmiusut pingaartippaat. Suli Kalaallit Nunaata imartaani ajunaartarnerit amerlavallaarput, ajoraluartumillu ajunaarnernit taakkunannga arlallit ukiut tamaasa alianartunik kinguneqartarput. Taamaattumik imaatigut angalanermi ajunaartarnerit ikilisinniarlugit annertuumik suliniuteqarnissaq pingaaruteqarpoq. Piffissap sivitsortup ingerlanerani paasititsiniaanermik, tamatta isummatsinnik allangortitsisussamik, taamaalillunilu tamatsinnut qanoq iliorluta imaani isumannaatsumik angalasarnissatsinnik eqqarsalersitsisussamik ingerlatsisoqarpoq. Paasititsiniaaneq taanna ingerlateqqinneqassaaq, tamatumali peqatigisaanik aamma susassaqarfinni allani inatsisit aqutigalugit imarsiornerup isumannaatsuunissaanik annertusitsisoqarsinnaasoq Naalakkersuisut isumaqarlunnarput.

26. april 2010-mi angalanissamut allagartanik isumannaallisaanermullu atortunik atulersitsisinnaaneq pillu apeqquteqaat tunngavigalugu oqallinnermi suliniutit taakku ingerlateqqinneqarnissaat Inatsisartuni annertuumik taparserneqarpoq. Taamaattumik tamatuma kingorna Ineqarnermut, Attaveqarnermut Angallanermullu Naalakkersuisoqarfik angallatini Kalaallit Nunaata imartaani imaatigut angalasuni tamani pinngitsoorani isumannaallisaanermut atortunik sunik peqarnissamut allattuiffimmik iluilersuilluni suliaqalerpoq.

Siunertamut tamatumunnga atatillugu Grønlands Kommando (GLK), politiit aamma KNAPK, tamarmik imaani isumannaallisaanerp nukittorsarneqarnissaanik soqutigisaqartut oqaloqatigineqarput. Politiit aamma GLK-p marluullutik GPS-imik aamma VHF-imik peqarnissap pingaaruteqarnera taavaat, attaveqarsinnaanissaq sumiiffillu tassaammata pissutsit marluk, kingusinaanginnermi ajornartorsiortunik nassaarnissamut periarfissanik annertuumik pitsannguisartut.

Isumannaallisaanermut atortut sorphaat pinngitsoorani pigineqartussatut aalajangiunneqassanersut suli inaarutaasumik aalajangerneqanngilaq, tasaanili atortut isumaliutigineqartut tassaapput: puttaqutit, umiatsiani atallaat puttasinnaasut, ajunaalernermi ikumatittakkat/qummoroortaait, VHF aamma GPS. Ilaatigut suliat imaani isumannaallisaanermut tunngasut siumut ingerlaqqinnissaat qulakkeerniarlugu

Ineqarnermut, Attaveqarnermut Angallannermullu Naalackersuisoqarfiup aamma Søfartsstyrelsen akornanni suleqatigiinnermut ataatsimiititaliamik pilersitsisoqarnissaa pillugu suliniummik aallartitsivunga. Isumannaallisaanermi atortut suut pinngitsoorani pigineqassanersut pillugu apeqqut suleqatigiinnermut ataatsimiititaliap siullermeerluni ataatsimiinnerani, 1. april 2011 nallertinnagu pisussami saqqummiunneqartussaavoq.

Siumut sinnerlugu Inatsisartuni ilaasortap siunnersuutaata aammalu Naalackersuisut tungaanniit isumaliutigineqartut taama amerlatigisunik assigiissuteqarnerat takullugu nuannerpoq. Ilassutigalugu oqaatigineqassaaq Anna Lifepak-ip pinngitsoorani pigisassanngortinneqarnissaa maannakkorpiaq pilersaarutigineqanngimmat, kisiannili "Anna"-p imaasa ilaat allattuiffimmut Naalackersuisoqarfiup suliarisaanut ilaatinneqarput.

Inussiarnersumik inuulluaqqusillunga

Jens B. Frederiksen